

广东通志

广东通志

廣東通志卷一百七

甲子重刊

山川畧八

肇慶府

山

高要縣

寶月臺在縣北五十步平地突起高二丈周一里

望之如臺宋人建星巖書院於其上今廢

戴志

三台岡在縣西一里三岡鼎峙狀若三星少北為

頂龍岡林木蓊蔚軍民環居其下

大清一統志

石頭岡在城東一里臨江突起十餘丈巨石厓屢

舊有石頭菴後改書院名崧臺俗遂呼此為崧臺

誤矣崧臺高二百餘仞即石室山也

戴志

今其上為

閱江樓府志

登雲臺在城西一里高二丈其頂寬平故以臺名

相連為龍頂岡三台岡廣東輿圖

龍頂岡高五丈周二里林木蓊鬱旁皆民居志

石頂岡在城東五里縱橫巨石浮出水際廣東輿圖明

萬曆十年知府王泮建崇禧塢其上府志

進賢岡在城東南五里為學宮面山上有文明塢

稍東為高榕岡府志作烏榕岡上有巽峯廣東輿圖

定山在城北六里一名石室山一名員屋山一名

高星山同上高要縣有定山隋書地理志石室山在縣北

五里元和志南越志云高要縣有石室自生風烟南

北二門狀如人巧意者以爲神仙之下都因名爲

嵩臺山中有石燕唐北海李邕有記鐫石存焉寰宇

記圖經云石室山唐天寶六年改爲嵩臺山輿地紀勝

七星巖連屬嵩臺七巖列峙如北斗狀廣東輿圖一曰

石室巖卽今所呼大巖也上有崧臺下有石室室

有南北二門入門歷階而上則穹窿鑿空高廣一

十餘丈旁多唐宋名人石刻然剝蝕過半獨東壁

鐫景福二大字完善李邕所書西壁有石扣之鏗

然如鐘又一石以衣轡其竅手拊之作鼓聲謂之

石鐘石鼓巖左右有穴可燭以入北有斗魁臺此

七星巖之一也七區連屬瀝湖環其下明嘉靖間

始除道築璇璣臺於石室之內因斗魁臺而改爲之作亭巖前曰臨壑又於巖後建星聚亭亭西有紫竹洞巖前稍東爲寶陀巖隆慶間建水月宮而沼其前於山半建玉虛宮白水月宮後盤磴五百步乃躋焉一曰屏風巖在石室東半里隔瀝湖水矗石嶺岼無所謂巖也山麓有碧霞元君祠上數百磴曰三仙閣又上數百磴至頂曰玉皇殿一曰聞風巖在屏風巖東半里兩巖相連屬明建棲雲亭於山麓稍上曰太極洞又上爲巖舊名石角更上積石如戟又有流霞島潛曜洞諸勝

潛曜洞又各含珠洞

舊志所繪七星巖圖以石室爲含珠誤矣

一曰天柱巖在石室西半里

巖去地百餘丈，削壁立險，不可上。萬厯間，郡守王泮始穴石百步，循躡而登，中遺甃甃，不知何代物。相傳爲衆仙搗藥處。一曰蟾蜍巖，在石室西。一曰里巖，在山半前，爲龍媪穴。相傳怪物蟄此，非蛟非螭，風雨晦冥，人有見之者。一曰仙掌巖，在石室西。二里峯頂有石如擺指，然一曰阿坡巖，在石室西北。二里又名辟支巖，巔旁皆瀕水，水源出北山，諸澗繞流。一白石頂岡出入江，一自高峽山後出入江。郡志縣北六里爲定山，其下有石室，亦曰崧臺。連屬有七星巖，則七星巖似與石室爲二。不知定山總名石室崧臺其一區也。卽以巖論，亦不止於

七山總六區半屹湖半出平陸其高者百餘仞廣
三之腹背三之一質純石色瑩如玉外受侵風雨
故黝黑隙中稍受土故草繡錯望之葱蒨間宮觀
若懸遊人若螳其下穹窿開闊又如五檠之梁大
者十尋小者如蠹蝕贅附無算或稱巖或稱洞又
或稱島瀦水則稱井稱泉曠者稱室屹者稱臺削
者稱柱覆者稱船瞰者稱磯平者稱牀攬者稱指
皆若神工役鬼斧鑿混沌而成者或云神仙下都
或云帝觴百神之所或云九九水洞天之一殆不

可得而名矣

七星巖記

宋郭祥正石室賦端城之北經五六里有巖室兮
洞開其上則七山建斗司天喉舌其下則淵泉不

流停碧一杯寢之則肌髮冰酌之則煩心灰四旁
則石乳玲瓏中敞員蓋睂睂萬丈無窮其崖孰納
忠兮嗟肺腑之已露孰止戈兮來兵伏而相挨儼
衛士之行列肅廷臣之序排紛披兮帶萼粲樅
樅兮條枚安而不可動者爲梁爲棟奔而不可止
者爲虎爲豹龜闢首兮屏息蚪奮鱗兮搏雷怪怪
奇奇兮千變萬態愈眎愈久兮恍惚驚猜何人境
之附近而仙宇之秘異如此者哉蘿捲風兮窈窕
春漬芳兮昭回或命佳客或寓幽懷考二李之勁
筆皆一時之逸才援玉琴以徘徊雲歛容兮泱泱
方謝事以言返眷茲石以徘徊雲歛容兮泱泱鳥
送音兮悲哀况百年之將盡邈夫萬里奚復來
唐楊衡詩陰岸東流水上有微風生素羽漾翠澗
碧苔敷丹英重林宿雨晦遠岫孤霞明飛猱相攀
牽白雲亂縱橫有客泝輕楫閱勝匪羈程逍遙一
息間糞土五侯榮宰茗庶蠲熱漱泉卽析腥寄言
絲竹者誰識松風聲

宋康衛詩天墜北斗精人間書景福巖石駢七峯
漠漠太古色磅礴壓洪濛峯嶺磨蒼碧中涵大穴
洞外與風雲隔千夫廓有容萬狀成叵測豁訝露
肝膽槎牙列矛戟伏如龍虎卧起若將士立西竅

通天關虛明數千尺豁然一罅入寂閒燃燈燠幽
秘若爲藏閤闕不可極龍牀一鳥穀宛若蛇蜒跡
龍井下太陰彷彿被元幄豈伊鬼神秘乃是造化
力江寒烈水涯春盎回陽律炎光流大地凄冷入
人骨四時幹元氣可燕復可息平生謝康樂不廢
登山屐蓬萊在人世昧者恒弗識達人昔來遊題
詩滿青壁駸駸歲月深慘慘烟霞積絕唱者何人
清新壓元白鐫石苟無分靈怪亦我惜緬思融結

初六丁

萬斧擘

國

朝朱彝尊詩高寒肆冥搜幽異愜心賞窮梯背樵

蘇密徑面篠蕩睇後路既迴瞻前渚彌枉緬辭蘇

門肅重作刻溪訪泉石匪自今亭臺已成曩其鏗

異短聞無射中奇響偉茲造化功流形信無妄津

逮興故超神淵道斯廣懷

哉謝人寰歸與授吾黨

王士正詩北斗森魁杓何年化爲石散落南斗旁

光芒色相射遙填端州城七峯張幕帟崧臺屹中

央瞻靄仙靈宅天帝觴百神於茲互主客巖竇鳴

鼓鐘石乳亂矛戟往往往鳥獸形奇譎蕩情魄其旁

兩洞天谿飭幾年闢水聲暗澎湃時有蜿蜒跡云

此龍所宮終占雲霧積沉沉抱珠睡五嶺慳雨澤

吾欲割其耳雨工起鞭策

坐使漚湖盈乘流出帆席

杭世駿詩紫微宮中七個星上四下三如斗形幾

時相率半天去隨風飄墮來南溟森然萬古立積

鐵尻脊挨排忘偏仄千盤鳥道擢修莖朶朶蓮花

深黑色傳聞上帝觴百神瓊筵開向崧臺春仙音

縹緲不收拾石鐘地鼓今猶震初向傾崖尋景福

序齡猶疑巧匠斲旋從地底度鼉梁宛似窪樽刺

空腹乾維坤絡交撐扶元氣淋漓結員屋鬼斧費

剜鏤鷹窠更蹙踣瑤蓼玉柱掛玲瓏乳竇垂垂滴

青綠餘訝三洞黑水風縛火照壁寒烟空模糊雲

篆不可辨但有千年仙鼠時相逢一綫窺天才倚

杵癡龍磨角挾龍女石牀珠井不肯眠去向寥天

降粗雨石氣陰森毛髮慘輕汚蛟涎吾豈敢鼓衰

尋路滑蒼苔蹠蹠巖窪首頻領徑一石作帖妥

雷與神仙置丹窠神仙不來心孔悲域外奇觀悲

獨覽穿空更上璇璣臺洛迦紫竹侍善才隻鳳無

聲石旗閃陰風日夕吹紅埃螺旋蟻折別開戶下

臨絕壑驚湍哀粼粼白石禁偷鑿靈威局鑰何時

開披襟臨壑亭邊坐放眼俄驚漚湖大桃花水上

蜻蛉輕萬頃琉璃新劃破殘春彌擢拜山靈石燕

衝烟飛一個孤僧期我青松林白日韜影雲黔黔

手中拄杖拋不得驚猿透沸哀禽吟綺田錦嶂年
年在巨手難逢李北海梯危力怯二天門一兩芒
鞋留
有待

白沙岡卽今所謂龜頂山也在縣西八里他志皆作七里

秀拔高聳郡之來脈鄉人築園稍平其巔明天啟

間知縣王漸磐補培之府志

王侯峯在縣東南十里他志皆作七里宋元豐中郡守王

泊葬其下因名一統志大清

北嶺在城北十里廣東州北七里至北山其山重

疊山北卽四會縣界寰宇記高千仞盤互百餘里爲

府治後山峯巒連屬若屏障然其中一峯雄峻名

將軍嶺蓋石室之支阜也方輿紀要在七星巖後其前

爲雙源洞洞口乳石如堵崖高丈許緣崖下過淺
水炬而入有泉自洞南石根出殊清冷涉而西水
又涓涓出掬之微溫多敗葉流出旁多怪石相傳
銀瓮覆其下紆入里許漸深不可涉昔有漁者欲
窮其源編筏再往水漲迷洞穴

府志

石洞在縣北十五里巖穴幽邃南北二門上虛通
天與星巖相去不遠西水泛漲巖之沒者數丈惟
洞隆然屹立水中世傳其洞能浮

輿地紀勝

將軍嶺之

東七星巖之北一峯虎踞巖穴天開四旁異石彷彿
輿馬徒御拱列呵護異禽鳴噪出沒空處聲傳
恍若神語遇潦水漲溢人跡罕至狂風怒濤則洞

有龍歸世傳謂神還宮是歲卽五穀熟人厭鮮食

今洞有歇龍池

宋呂成記

洞門高十餘丈後門爲土人

所室頂開中雷巨石覆之若墜不墜洞中石森立

如戟

府志

獅子岡與石洞相接

同上

河鼓巖在縣北二十里高不及石室廣僅三之一

有兩門皆南向中積水如疊鼓石室諸巖皆水環

石獨此巖石環水

大清一統志

小湘峽在城西二十里高五十丈羣峯矗峙大江

廣東輿圖

宋皇祐四年儂智高犯端州州守李寶臣曰

若得兵數千伏小湘峽可必勝也

陳桎續通鑑

羣峯列

岫連延環繞水經其下多良材美竹

輿地紀勝

大湘峽在小湘峽西五里許峭東江流山高水深

府志

雲從山在縣南二十里

一統志

高百丈周五十

里峯巒重疊秀出天表新宅水經其下

方輿紀要

九洲岡在城東南二十里高三十丈

廣東輿圖

高峽山在府東三十里高千仞周三十餘里與爛

柯山對峙江流至此夾束而出

方輿紀要

零羊峽在縣

東水行三十里

元和志

南越志云零羊峽一名高要

峽山高百丈江廣一里華翠之樹四時葱蒨

寰宇記

相傳山有羊化石因名羚羊峽又名靈羊一名高

要峽古有峽山寺唐沈佺期峽山寺賦稱端溪妙境卽此峽中有九頭頂阿婆頂釣魚臺水最湍急

處府志

唐沈佺期峽山寺賦峽山寺者名隸端州連山夾江頗有奇石飛泉迴落悉從梅竹下過渡口至山頂石道數層齋房浴室歸渺在雲漢神龍二年夏六月予投棄南裔承恩北歸結纜山隅周謁精舍爲之賦焉峽山精舍端溪妙境中有紅泉分飛碧嶺若乃忍殿臨岸禪堂枕江桂葉薰戶蓮花照窗銀函獅子之座金刹鳳凰之柱野鹿矯而屢馴山鷄愛而頻舞千層古龕百仞明潭幡燈夕透杖鉢朝涵炎光失於攢樹涼風生於高竹仙人共天樂俱行花雨與香雲相逐法侶徘徊齋房晏開心猿舟去怖鵠時來走何爲者竄身炎野旋旆京師維舟山下稽首醫王誓心無常向何業而辭國今何緣而赴鄉豈往過而追受將來愆而預殃卽撫躬而內究幸無慝以自傷心悟辱而知忍迹繫窮而辨方嘉爾來之放逐謂吾生之津梁

國

元范曄詩懼郎得便派清流急報舟前曉
霧收蠻語酬人翻自苦好山不敢問何舟
朝王士正詩逆流入西江已闖高峽中何年神羊
跡靈奧開鴻濛灘江挾將荆日夜來向東怒流會
端州奔奏朝祝融萬仞束洪濤大哉造化功龍從
雲雷窟黯淡蛟鼉宮更聞溪中石價與瑤琨同當
年貢天家千指勞人工驚行九地底下與水府通
微軀一不戒崩墜誰能窮尤物古所歎念此心忡忡

杭世駿詩羚羊峽束初上湖斷岸千尺被菁茅衝
波卷浪掙柔橈舟師怖恐龜魚驕松間忽出疾火
照始識蟻路緣秋毫登登輕策攬臂上薜磴屈折
藤蘿梢榕陰黯黯穩棲鳥石骨透峭愁飛猱野僧
披榛起肅客纖塵不動蒲牢哮潮音傑閣互天半
香雲縷縷盤空切側窗透空望江影似有空月空
中招天風擺磨振仙梵飄墮木杪驚鳥巢吾聞仙
人顏李肅伸臂運筆一丈高英山古寺昔題壁靈
跡已邈難追抄茲字崢嶸夾山立佛力猛鎮千年
蛟一重沙界一重甌腹背交壓菩提梢巉天峭壁
闕雲篆浩刳期我騰神尻掃空試鐫三百字畱與
好事懸推敲修羅降雨助墨海餘潤立洒潮田磽